

閩都記卷之七

郡人 王應山 纂輯

郡城東北隅 侯官縣

白還珠門迤東為左院巷樂土橋沿河東巷龍鬚

萬歲巷東衙巷七星井譙樓布政使司分守廳巡

嘉樹軒

左院巷宋左司理列署今為民居甚湫隘

河巷俗呼花巷 有通閘橋在虎節河上

樂土橋在舊正南虎節門外晉守嚴高名大航橋通舟楫元和

中觀察使薛審重濬以油杉作隄限宋熙寧三年守程師孟

卷七

重脩更名樂土俗呼毛應橋

沿河東巷在虎節河之東有勾欄橋又東為龍鬚河

萬歲巷俗呼廟巷有古靈祠祀宋樞密陳襄內有橫巷達於東

衙襄侯官古靈人時稱四先生 明高廷禮謁古靈祠寂寂

古靈祠明明仙居宰當時化百里惠澤流千載家林廟貌存

不啻桐鄉愛何以詠甘棠古榕綠陰大

東衙巷為閩官署今為民居內有橫巷達都司前

七星井其六在宣政街東西其一在還珠門外近歲更名福井

先是宋紹熙五年砌十石孟子譙樓北注水以厭南離今存

全閩第一樓在布政司南唐觀察使元錫建即威武軍門也宋

地310.11  
9276.1  
:2

求放心齋

郡守元絳更闢雙門建樓十楹置滴漏鼓角又爲樓以翼之  
左曰宣詔右曰班春嘉定間燬安 楊長孺重建元泰定間  
復燬遂 觀構重樓八楹用石柱凡四十有四高九十

八尺至正二十三年陳有定平章事鼓樓鴟尾吐氣如霧

國朝宣德二年爲大風所圯御史方端命僧了心

侯官姚給事銑之弟

募緣重建深廣如舊高減二尺復置銅壺滴漏仍爲布政司

前門以前案五虎惟開左門出入北扁拱辰南扁授時今更

名第一樓 明張時徹登拱辰樓紫薇仙署鬱蓬萊阿閣玲

瓏接上台碧海雲霓翻水殿青城龍虎結瑤臺綺羅晴門千

門日鐘鼓春傳九陌雷客子不知芳草綠香車何處起塵埃

卷七

二

時徹四明人嘉靖中爲閩藩大叅

王世懋元日登樓飛閣岩堯倚碧天朝

元初罷陟層巔雲峯結幄迎春懋海日衝波接暮年武帝樓

船千載色無諸城市萬家烟遙空似有孤鴻去欲託離愁與

此傳

世懋太倉人萬厯中督閩學轉叅政

陳文燭和一上層樓幾醉醒無諸

猶自有荒城歲占忽訝和風至春到翻驚赤日明結幔雲深

山色遠乘楫天盡海波平

信美非吾土日送飛鴻萬里

情

文燭沔陽人萬厯中布政

顧大典登樓懷陳王二公越王城畔古

巖疆高閣岩堯引眺長繞郭山形雄虎踞遙津劍氣識龍藏

江梅折贈來吳苑郢雪驚傳自豫章極目憑欄思無限雲光

樹色共淒涼

大典吳江人督學憲副

丁繼嗣元日登第一樓二首元

辰朝罷自從容飛閣蟬聯劍鳥從萬里山河卑禹貢千門簪  
紱上華封哆談隻手能降虎縮結同心欲御龍珍重高懷先  
下榻醉來何惜夜扶筇 層樓雄峙壓危峯俯視閩關百二  
重縹緲直驚山海窄崔嵬幾傍斗牛衝天空鼇柱辰初拱雲  
近龍臺暮尙從 聖主垂衣正此日萬邦誰不共朝宗

布政使司在於城坊當三山之冲晉守嚴高初建爲刺史衙唐  
爲都督府又爲觀察使衙又爲威武軍衙閩王審知建牙於  
此其後僭號改作逾制有文德殿長春宮紫薇宮東華宮躍  
龍宮諸名錢氏納土悉廢撤獨明威殿僅存守日避不敢居  
以爲設廳有勅燕集於此卽其旁建大廳視事天聖五年郡

卷七

三

求放心齋

守章頻始於其東朔都廳

郡守鄭載重建大廳景祐四

年郡守范元復於大廳之西朔後堂更名清和堂宋末端宗  
卽位以設廳爲垂拱殿元爲行中書省又爲宣慰司更置不  
常至元十九年火明年右丞蒙古歹建省廳於設廳舊址置  
左右司創誠心堂立儀門列東西吏舍庫廡國朝洪武初改  
爲福建等處承宣布政使司正堂曰宣政今改政本後堂曰  
退思今改紫微儀門前卽古東長門今以其地建分守廳西  
卽古西園門今以其地建巡海廳又清軍道督糧道分守福  
寔道分守武平道寅賓館土地祠經歷司照磨所理問所司  
獄司龍亭庫架閣庫廣積庫俱在藩司之內

後樂亭在後堂北有小阜喬木數株卽巖高卜遷處宏治中左  
伯李琮建亭萬厯初名爲嘉樹軒 明陳卿詩長晝文書靜

時能脫世機亭虛千嶂入樹老十夫圍末路心猶在清尊興

豈違官曹無補益慚負芟荷衣

卿蜀人嘉靖中閩藩左伯

陳文燭詩閒

軒古木晝陰陰握手翻驚共壯心封植靈根秋正老聲音絲  
竹夜還沈無妨潦倒同薇省似與高標入藝林少小相逢青  
鬢改大椿那得有霜侵 王世懋詩早歲風流奈晚何相將

華髮倚庭柯能無似我婆娑甚獨自憐君掩映多密意敢期  
溫室對素心疑倚小山歌惟應醉卧扶疎裏百尺濤聲枕上  
過日新堂衣錦閣春野亭 宋蔡襄春野亭詩東凭軒牖高

卷七

四

求放心齋

下視野田功澹蕩沐春澤依微生柔風江潮漲晚綠山麓砥  
朝紅耕鋤時節動歌語聲意通又有五雲閣燕堂眉壽堂信  
美堂慶雨堂愛山堂雅歌堂艤閣舫齋怡山閣望雲樓開射  
亭荔枝樓逍遙堂俱在舊威武軍內宋代脩建至 國朝俱  
廢